



Universitätsbibliothek Paderborn

**Consultationes Theologicæ Et Spirituales Christiani verè
fidelis & verè devoti ...**

... De Excellentiis Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. I. Magnificentia gloriæ, quantum spectat ad Animam sanctissimæ
Virginis.

urn:nbn:de:hbz:466:1-45581

que perstrinxisse oculos, non, quod multum adhuc attulerit lumenis meo animo, sed quod ingens in corde meo accenderit desiderium paulisper fusi & penitus aspiciendi illam: Hanc ob rem rogavi Thrasitum, ut tantum sibi veller sumere laboris & integrum mihi struere convivium ex opipatis dapibus, quarum mihi jam dederat prægustum: annuit is votis meis; unde simul plures instituimus Consultationes circa omnia

prodigia, quorum eudem tantum mihi fecerat delineationem, quia adhuc eorum mihi ostenderet pulchritudinem: tanta igitur erga me obsequiositatis fuit & benevolentia, ut informare me non disseret, quoad plenam habuerim satisfactionem in ijs omnibus, quæ nosse desiderabam circa Assumptionem Sanctissimæ Virginis: & ecce quomodo incepimus!

**

ARGUMENTUM.

Magnificentia gloriae, quantum spectat ad Annam Sanctissimæ Virginis.

ARTICULUS I.

Interrogavi mox ipsum ab initio; quomodo vides magnificentiam gloriae Virginis Sanctissimæ in primo hoc Evangelij verbo: *Intravit JESUS?* Non video id ullâ ratione loqui de ipsius gloriâ.

Nonne probè advertis, respondit mihi, quod Evangelium non loquatur de Sanctissimâ Virgine, sicut loquitur de alijs Sanctis? Quando de alijs Sanctis loquitur, Matth. 21. v. 23. dicit: *Intra in gaudium Domini tui,* & quando Deus admitit illos in possessionem gloriae suæ, ait ad illos: *Veni serve bone & fidelis, intra in gaudium Domini tui.* Sed Evangelium aliâ ratione loquitur de Sanctissima Virgine, dum ait:

Intravit JESUS; & Deus alia etiam omnino ratione, loquitur illi, quam Sanctis, dum inquit ad illam: *Veni Mater mea, & tota gloria mea intret in te;* magna est differentia inter duo hæc verba: *Intra & intravit;* intra in gloriam meam, & gloria mea intret in te.

Siquidem, ut egregie loquitur Sanctus Thomas, necessarium est, in c. 25. ut omnes Beati intret in gaudium Matth. Domini, & gaudium Domini non intret in ipsos: Ratio hujus omnino manifesta est: gaudium, quo fruimur ex possessione rerum, quæ minores sunt corde nostro, bene intrare potest in cor nostrum; sed quia Deus, qui bonum infinitum est, infinitâ ratione est major cor-

de

de hominis, idèò gaudium, quod nobis oritur ex possessione Dei, intrate non potest in cor nostrum, sed cor nostrum intrat in illud: *Deus major est corde nostro.* & idèò, qui gaudet de Deo, intrat in gaudium. Nam sicut sponsa intrat in mare potius, quam mare intret in sponsam, & licet ab eo tota penetretur, nihilominus non continet mare, id est, non includit illud, sed potius continetur & includitur in maximâ elementi hujus vastitate: ita quamvis Beati toti penetretur à gaudio Dei, ipsi tamen non includunt propterea illud, sed ipsi includuntur in infinito gaudio Domini sui, quod majus longè est animabûs ipsorum; hinc est, quod dicitur ipsis omnibus: *Intra in gaudium Domini tui.*

Omais gloria Paradi-
sia est ratio-
ne quâ-
dam inclusa
in Sanctissi-
mâ Virginie ba-
ra, quæ innuere videntur, quod omne & totum gaudium beatitudinis intraverit in illam: *Intravit JESUS:* quasi gloria ipsius ejusdem esset ordinis, cuius est gloria Dei, quæ tota inclusa est in ipso, quâque Theologi nuncupant *comprehensivam*, eòquod comprehendat & perfectè includat omnem imminensitatem divinam: Sic Mater hæc Admirabilis jam experientio edocet, quod includere in se possit omnem Magnitudinem

Dei ex privilegio divinæ Maternitatis suæ, vi cuius portavit in utero suo ipsum, quem cœli cœlorum capere non possunt, uti canit Ecclesia, includere sola in se potuit totam imminensitatem gloriae Paradiſi.

Non quod gloria Sanctissimæ Virginis adæquet reipsâ infinitam gloriam Dei: *Quis enim est ut Deus?* sed Evangelium ita loquitur, ad insinuandum nobis, quod gloria Sanctissimæ Virginis ad sublimem adeò attollatur verticem, ut omnes nostras transcendat cogitationes, ut excedat gloriam omnium Angelorum, omniumque Sanctorum in cœlo; & ut ita locutus immensitatis cuiusdam specie, quæ propriissimè convenit gloriæ, quam Sanctissima possidet Virgo, appropinquet & accedat, quantum possibile est puræ creaturæ, ad gloriam ipsam Creatoris. Ecce mysterium hisce involutum verbis: *Intravit JESUS.*

Fateor, dicebam ipsi, id mihi mox ab initio magnum lumen attulit circa ipsius gloriam; sed me tu, ne illud perdam, idque illico meo dilabatur animo, nisi firmetur quibusdam rationibus, quæ illud stabiliant ac confirment. Afferam tibi, respondit mihi Thrasilus, rationes tam luculentas, ut recepturus sis illas promptissimè, nec obliturus illarum tam facile.

Considera, quod gloria æterna (quæ æqualis non est in omnibus San-

Animæ
sanctorum
intrat in
gaudium
Dei sicut
sponsa in
mare.

Sanctis) mensuratur tribus , juxta communem doctrinam Theologorum : Primum est gratia, secundum sunt merita, tertium est amor Dei ; Ecce rationem hujus, quam affirunt. Affirmant illam dati, velut hereditatem Filiorum DEI, velut remunerationem servorum Dei ; vel ut finem ultimum amicorum Dei : Velut hereditas mensuratur per gratiam, quae nos adoptavit filios Dei ; velut remunerationem mensurata per merita, quae

dignos nos reddunt ad recipientem pretiosam mercedem istam ; velut finis ultimus mensuratur per amorem qui est pondus , quod tendere nos facit ad illam , velut ad centrum quietis nostræ æternæ : apprehende tres hasce mensuras, gratiam, merita, amorem, & vide, an assequi possis per illas cognitionem, quanta sit magnitudo gloriae Virginis Sanctissimæ.

* * *

ARGUMENTUM.

Prima mensura gloriae, quam Sanctissima Virgo possidet in celo, est gratia, quam habuit in terris.

ARTICULUS II.

Cum gloria non sit nisi gratia consummata, sicut gratia est gloria incepta, certum est, quod quilibet Beatorum recipiat in celo gloriam juxta mensuram gratiarum quas habuerit in terris. Jam universim agnoscimus nonnisi tres gratiarum species. Prima est gratia innocentiae: Secunda est gratia Redemptionis, tertia est gratia, quae nuncupari potest divina, vel DEVS ipse ; & omnes tres receperit Sanctissima Virgo in omni sua abundantia.

Prima est gratia status innocentiae, quæ DEVS replevit Protoparentem nostrum Adam, quando formavit ipsum ab initio, velut perfectissimum opus manuum sua-

R. P. Igne, Consultor. Tom. III.

rum. Dederat is ipsi ab initio gratiam quandam supernaturalem tam copiolam, tamque abundantem, ut haberet, unde eadem repleret omnes suos posteros, faciens ipsos nasci suos filios, nasci quoque fecisset filios Dei ; sic omnes Sancti fuissent, antequam ratione prædicti, siue ratione quâdam capientes possessionem cœli, antequam solùm suis attigissent pedibus terram. O Beatam conditionem hominum, si ipsorum Proto-patens firmus stetisset in hoc statu gratia, nimis innocentiae suæ ? Poterant de ipso dici hæc verba Ecclesiastici : *Vos admirabile, opus ex Eccl. 45.* Sed cheu fragilis erat, cumque ad nostram infelicitatem sub-

Sessio latua.